

北京圖書館古籍珍本叢刊

集部·宋別集類

青山集·唐先生文

集·勉齋先生黃文

肅公文集·心史

北京圖書館古籍珍本叢刊

書目文獻出版社

北京圖書館古籍珍本叢刊

90

集部·宋別集類

青山集·唐先生文

集·勉齋先生黃文

肅公文集·心史

編者 北京圖書館古籍出版編輯組

出版 書目文獻出版社

(北京文津街七號)

印刷 秦皇島市資料印刷廠

定價 壹佰壹拾肆圓

ISBN 7-5013-0712-1/Z·55

目錄

青山集三十卷	……	一
唐先生文集二十卷	……	一八五
勉齋先生黃文肅公文集四十卷	……	三〇三
語錄一卷	……	……
年譜一卷	……	……
附集一卷	……	……
心史七卷	……	八六九
附錄一卷	……	……

青山集目錄

常塗郭

祥正字功父

卷第一

歌行三十首

卷第二

長句古詩三十首

卷第三

長句古詩三十三首

卷第四

長句古詩三十一首

目錄

卷第五

長句古詩三十首

卷第六

雜題古詩三十首

卷第七

長句古詩三十四首

卷第八

楚詞體二十首

卷第九

五言古詩三十九首

卷第十

和李白詩四十三首

卷第十一

五字古詩三十首

卷第十二

五字古詩三十一首

卷第十三

五字古詩三十首

卷第十四

五字古詩三十首

目錄

卷第十五

五字古詩三十首

卷第十六

五字古詩三十首

卷第十七

五字古詩三十首

卷第十八

五七字古詩三十首

卷第十九

古律哀挽三十首

卷第二十

五言律詩五十首

卷第二十一

五言律詩五十一首

卷第二十二

五言律詩五十首

卷第二十三

五言律詩五十首

卷第二十四

七言律詩五十首

目錄

卷第二十五

七言律詩五十首

卷第二十六

七言律詩五十首

卷第二十七

七言律詩二十四首

絕句六十首

卷第二十八

七言絕句一百首

卷第二十九

七言絕句一百二十首

卷第三十

七言絕句三十二首

五言絕句一百三十七首

青山集目錄終

目錄

青山集卷第一

當塗郭

禪正字

歌行三十首

古松行

空山古松閱人代黛色銅姿終不改
蚍蜉詰曲還相向千尋氣結雲
飄飄風雨冥冥秋氣深耳邊往往蒼
龍吟蓬萊仙子有無間往來白鶴
晝常陰百尺膠枝拓金戟山中十
月飛霹靂千年化作虬龍形流脂下
見成靈珀方今樓閣連飛甍斧斤未
敢來相傾晦冥神物共訶護一物鐘
靈天不輕我來撫此重歎息造

卷一

物由來貴孤直跌坐松前日將暝
謾謾寒風落巾幘

醉歌行

明月珠不可襦連城璧不可鋪
世間所有皆虛無百年光景駒過隙
功名富貴將焉如君不見北邙山石
羊石虎排無數舊時多有帝王墳
今日累累蟄狐兔殘碑斷碣爲行路
又不見秦漢都百二山河能險固
舊時宮闕亘雲霄今日原田但禾黍
古恨新愁迷草樹不如且買葡萄
酒醅壺挈榼閒往來日日大醉春
風臺何用感慨生悲哀

古劍歌

古有名劍似秋水龍盤虎挈欲起
雞林削鐵不足言昆吾百鍊安足
齒淬花曾瑩鸛鵲膏掉劍却敵鸞

鳳髓憶昔破敵如破竹帶霜飛渡
桑乾曲電光晝閃白日匿魑魅走
逃罔魑伏于今鏽澁混鉛刀夜涼
風雨青龍哭冰翼雲淡雪花白血
痕冷刺苔花綠我來拔鞘秋風前
毛髮凜凜肝膽寒書生無用暫挂
壁夜來虎氣騰重泉酒酣聞雞起
欲舞明星錯落銀河旋吾聞神物
不終藏豐城紫氛斗牛旁及時與
人成大功豈肯棄置鈍鋒鋌會當
斬蛟深入吳潭裏不然仗汝西域
擊名王

卷一

漁舟歌

四山颯沓江水流兩岸西風蘆荻
秋漁歌杳杳隔港浦煙波冥冥來
孤舟漁人舉網得赤鯉魚尾徒徒
相顧喜撐船就岸維樹旁夕陽蓬
底炊煙起白鷺洲邊隨意浴孤雲
巖際無心逐月明煙岸撇波去格
磔一聲山水綠

楚江行

吾生磊落無滯留一生好作大江
遊任爾鼉鼉跋浪蛟龍愁昨夜天
風下荆楚我來此地重懷古洛妃
湘女不足數渺渺兮三閭在何所
浩蕩煙波江水闊冥

冥神交兩相許倒提金斗傾濁醪滴瀝招魂寂無語
斜陽銜山暝潮退兩兩漁舟迷向背便欲因之垂釣
竿六鼇一擲天門外

九華山行

群山秀色堆寒空九華一簇青芙蓉誰云九子化為
石聚頭論道扶天公深巖自積太古雪燭龍續瓜著
無功湍流萬丈射碧落此源直與銀河通塵埃一點
入不得煙霧五色朝陽烘有時昏昏雷電怒崩崖裂
壁揮長松龍作兩虎嘯風白日變明晦九子亦慘容
楊冠釋氏胡為笑傲於其中我將學彼術卷舌切愧
求童蒙天公信玉女號令不爾從嗟爾九子竟何補
非泰非華非衡嵩

廬山三峽石橋行

銀河源源天上流新秋織女望牽牛洪波欲渡渡不
得比鵲為橋誠拙謀胡不見廬山三峽水此源亦接
明河底擘崖裂嶂何其雄崩雷泄雲勢拔靡馳鳥難
過虎豹愁四時白雪吹不收燭龍此地無行迹六月
遊子披貂裘誰將巨斧鑿大石突兀長橋跨蒼壁行
車走馬安如山下視龍門任淙激寄言牛女勿相疑
地下神工尤更奇喚取河邊作橋棟一年不必一佳期

谷簾水行

嶄嶄青盤仙人居水精簾掛光浮浮音中有天樂振
天響真珠琤琮碎珊瑚常娥擁月夜相照天光地瑩
倒玉壺又云玉皇醉玉液瓊簾千尺從空鋪卧來比
斗諫以起驚風吹落青山隅溶溶萬古萬古竟誰
能辨為真虛我來吟哦不知晚山雲四暗山魈呼安
得長鯨駕天險下眎靈源知有無

鸚鵡洲行

猛虎磨牙噬九州禍生何事來撥廠黃雲屯屯吳賓
客故衣脫去更岑牟漁陽參撾曲聲苦壯士銜悲寂無
語漢朝社稷四百年海瀉濤淙一盃土嗟哉鼓吏狂
而癡天運往矣安能追四方血戰殊未已三赤杭杖
真何為君不見武昌之國鸚鵡洲至今芳草含春愁
可行則行止則止死無所益令人羞死無所益令人
羞黃祖曹公均一丘

金山行

金山杳在滄溟中雪崖冰柱浮仙宮乾坤扶持自今
古日月昇降躋西東我泛靈槎出塵世搜索異境窺
神工一朝登臨重太息四時想像何其雄卷簾夜閣
掛北斗大鯨駕浪吹長空舟摧岸斷豈足數往往霹

震蜺蛟龍寒蟾八月蕩瑤海秋光上下磨青銅鳥飛
不盡暮天碧漁歌忽斷蘆花風蓬萊久閒未成往壯
觀絕致遙應同潮生潮落夜還航物與數會誰能窮
百年形影浪自苦便欲此地安微躬白雲南來入我
望又起歸興隨征鴻

潛山行

笑別姑熟州來作潛山遊潛山開名三十載寫望可
以銷吾憂晴雲如綿掛寒木廣溪鏡靜涵明秋山頭
石齒夜璨璨疑是太古之雪吹不收信哉帝祖駐金
蹕異景怪變誰能求若非青崖見白鹿安得此地排

五

五

珠樓群仙長哦空洞絕綠章封事乘虛輶靈鳥盤旋
老鶴舞華燈散來祥鸞浮噫吁嚱漢武登壇求不得
明皇夜夢推五百寧知司命抱真符爲宋真人開社
稷詔書數下脩琳宮殿閣縹緲平諸峯六朝德澤施
愈遠九天福祐來無窮君不見潛山之下潛水之涯
菖蒲有九節白木多紫花採之百拜獻君壽陛下威
德如重華

山中吟

山中吟白日長碧霄春暖菖蒲香仙翁勸我採爲食
登高遂覺足力強登高望遠遠思發春風浩浩天茫

茫美人一別隔滄海青鳥寄與雙明璫青鳥東飛亦
不返草色綠縹雲徜徉草色幾回綠雲飛無故鄉魂
迷夢斷竟何在山中吟白日長

山中樂

尋山佳興發一夜渡江月首到蘆江元放家水洞清
光數毫疑愛之便欲久棲息又聞靈仙之境藏金闕
清風吹我衣不覺過曉溪危梁十步玉虹卧松行十
里青龍歸煙霞繞脚變明晦忽見殿閣鋪瑤瑤重簷
却在迴漢上倚欄俯睨白日低虛庭自作蕭蕭簾屋
角更無飛鳥飛霓幃重重蔽真仙坊瑤瑤見星入垂

六

六

六

長廊紗籠絕筆畫老龜穩載青瑤碑更逢逍遙不死
客齒清髮翠桃花肌蕭臺可到亦非遠雲間況有白
鹿騎細窺絕景輒大笑吾曹何事塵中爲安得良田
三百畝可以飽我妻與兒長年只在名山裏萬事紛
紛都不知

將歸行

男兒四十無所成可憐鬢髮霜華生長書朝奏夕命
相此事故非言不行低徊却入邵陵幕梅嶺招降建
城郭論功第一遭衆譏斷木浮沈委清壑噫吁嚱數
奇不獨李將軍株坐桐鄉三見春桐鄉雖好大兒死

風物滿眼唯悲辛
近來又赴肥上辟碌碌隨人亦何
益法網深懸無縱鱗
歛翼飢禽憂彈射噫吁嚱一寸
丹心不堪折扁舟却憶姑溪月
溪如凝冰月如雪天地清光迥
交徹釣絲千丈入琉璃六藝一
舉三山隨人生快意莫如此
賈東黃金多橫死君不見日暮途
窮逆行客一餉榮華速冰泮
又不見都市朝衣就劍人誰道
忠言能殺身休休歸去來
芝田石室雲長在瑤草琪花
春不回收帆銀濤即平陸
跨青牛兮驅白鹿莫向人間岐
路行豈有悲歡與榮辱休休歸
去來計已决肯學腐儒空有言
辜負春鵲口流血

卷一

七

東林行

龍蟠大地藏山腹瑞氣蒙籠紫金屋
香爐萬丈擎碧霄二澗斜飛落寒玉
晉朝遺事唐人辭斂斂龜螭尚堪讀
樓煩真人應夢來夜斧丁丁神伐木
安帝親留步輦迎靈運開池素華馥
會隨流轉不成塵燈焰明明白相續
遊人未達此理玄安得清涼滅貪欲
我今棄官脫塵網僧瞻依無不足
跨黃牛騎白鹿時時自唱無生曲
無生曲君試聽五音六律和不得
爲君寫作東林行

圓通行簡慎禪師

廬山之西形勝聚無位真人依位住
地祇製鑲金城開石龍噴水銀潢注
峯巒約勒萬馬回杉松自作千兵護
寶殿崢嶸跨碧霄圓容麗服微西顧
江南妃子親施田香飯供僧無億數
法焰相傳十二人師泛鐵船楊子渡
楊子渡秋風高霹靂駕雪翻驚濤中有漁
家妙絕手一釣三山連六藝縱時大地
悉震恐收來塵刹無纖毫當年曾許心
莫逆今朝又作同通客掛冠已脫塵垢
緣一心願任清涼國清涼之國誰能知
日長馬倦人多迷從來聞說曹溪路只
公踏斷廬山西

詔石行

卷一

八

扁舟未下連虞灘詔石羅列誰雕刻
化工有意露怖變待彼虞舜來觀
翫泊舟登岸始遠覽兩峰直裂諸
峯巒青鸞低徊欲下飲翠鳳却舞
搏脩翰擎龍鏤雷怒奮角帝子出
震初戟冠日光撲撲散金蘂蓮花透
微琉璃盤行衣十里仙霧濕暝色一
抹輕綃寒我將泐崖想韶樂北風忽
變陰漫漫松搖長空吼萬壑溪走石
脚涼驚湍遺音自與天地響聽不以
耳精神完重瞳一去無復還隨風波
兮陟雲間滿湘洞庭亦何有竹上血
淚千年斑九成不作至道息紛紛後
世時能攀登詔石兮情飄飄而未盡
飭彼柴車兮且將造

手蒼梧九疑之深山

武溪深呈廣帥蔣脩撰

滔滔武溪一何深源源不斷來從郴流到龍頭聲百
變誰將玉笛傳餘音潺湲冷兮可以冰人心胡爲
其氣兮能毒淫漢兵卷甲未得渡飛鳥跼蹐且沉
天乎此水力可任蠻血安足腥吾鐔功名難成壯士
恥馬革裹尸亦徒尔伏波一去已千年古像蕭蕭望
竹裏風來尚作笛前悲宛轉悠揚逐船尾如今

天子治文明柔遠懷來不用兵武溪無恙亦無毒清
與滄浪堪濯纓臨流史憶昌黎氏始末緣何不相關

表一

一

一

能言佛骨本無靈可惜咨嗟問瀧吏湘妃之碑尤近
恠頗學女巫專自媚固當廢父馬聊點韓補葺須令賢
者備元戎喜遇蓬瀛仙武溪探古傳新篇東君吁嘻
龍蜃走北斗挹酌河漢懸勸君莫倚隴笛之悲音
勸君清歌兮援玉琴琴聲寫出堯舜心堯舜愛民
無遠迓君不見薰風兮來自南

松門阻風望廬山有懷李白

北風阻船泊湖濱比望廬阜青無痕晴雲自舒仍自
卷白龍欲眠猶宛轉秋空漠漠秋氣淺碧天煎水如
刀剪篙師畏浪不敢行却憶李白騎長鯨倒回玉鞭

擊鯨尾錦袍灑雪洪濤裏電光溢目精神閑終日高
歌去復還飛流直下三千尺風吹銀漢落人間天送
醇醪傾北斗群仙吹簫龍鳳吼李白一飲還一醉醉
來豈知生死累倏然却返玉皇家不騎鯨魚駕駕車
留連自摘蟠桃花嚼花吐津染朝霞不信如今三百
載頑鯨駭浪空相待

苦寒行二首

江南饒暖衣絺綌今歲春寒人未識溪流冰合地成
折一月三旬雪三赤去年大潦民無食子母生離空
嘆息只今道路多橫屍安忍催科更誅誅

表一

一

一

下溪捕魚一丈冰上山採樵三赤雪人人飢餓衣裳
單骨肉相看眼流血乾坤失色雲未收鴈鴉無聲翅
將折官倉斗米餘百金願見春回二三月

武夷行寄劉侍郎

平生愛仙山最聞武夷好千峯巔岫月倒掛萬木陰
森森不老群仙浮舟出家廓未濟明河半空泊世人
可見不可攀靜夜天風吹寶樂須信仙家日月長塵
埃下土空茫茫賢愚得失竟何益坐令綠髮摧秋霜
人間感悟有誰早丈人尋真歸故鄉故鄉宅在武夷
址山勢迴環碧城起仙碁一局一番春幾見桃花開

流水他年功成越帝關醉喚常娥擁明月照開三十
六洞天玉樹瑤花恣攀折丈人之樂其無央我今欲
往親在堂側身南望未能到耿耿寸心思夢長

姑熟堂歌贈朱太守

姑熟太守真賢豪洗滌弊垢明官曹民閑吏疎郡無
事華堂新構臨江皋朱簷斜飛榜星漢碧瓦不動蟠
鯨鼇釀成玉液宴賓從手提大筆降風騷四時景物
換耳目萬古治亂評秋毫嗟予末坐重感激胸中茅
塞時耘蕪山鷄卑栖竟何取豈合鸞鳳追翔紫萼
茸葦味正美鮮鱗玉縷鳴霜刀爲公一飲直醉倒坐

看萬室皆陶陶誰云江南地偏小姑熟之堂天下少
丹湖千里浸城東蒲葦藏煙春渺渺牛渚對峙凌歊
臺長江倒掛天門開風吹玉馬億萬疋漢兵卷甲沙
場迴有時浪止皓月滿瑤璃宇宙無纖埃帆檣隱隱
鳥飛沒漁歌細下天邊來謝玄暉李太白一生好作
江南客至今遺恨人不知孤雲尚鎖青山宅請公漚
酒一弔之聽我長吟壯靈魄人世百年能幾何高會
難逢離別多一朝公去調鼎鼎斯堂永作甘棠歌

宣詔廳歌贈朱太守

史君心畫天下無構廳宣詔西南隅曉光初散射簷

桶夜氣欲合吞江湖覽梵摩澤滑瑤玉重窓窈窕明
青朱胡生畫手出前輩素壁爲寫巫山圖一條江練
澄碧落十二峯色我珊瑚玄猿老虎嘯歸長松瘦
石寒扶疎中間皓鶴最恬漠九霄獨立形神孤君去
班春勸耕稼君歸命客同歡娛三冬垂簾醉春九六
月靜坐臨冰壺巴牋血色酒醉筆五字七字排瓊珠
和風匝地怨氣滅險吏縮手窮收蘇地隨人威古今
好姑熟自此爲名區君不見滕王閣庾公樓樹疊千
載誇風流又不見宴寢一詩尚不滅至今人道章蘇
州噫吁噫四座勿歌聽我歌宣詔之名君謂何守臣

不墜帝王澤六合長靜無干戈

濟源草堂歌贈傅欽之學士

秀氣鴻濛濤濟川曲十畝清池萬竿竹竹裏脩椽架草
堂不羨長安買華屋春生廣野碧玉柔月擁翠嵐銀
粉撲低飛白鷺揀晴沙間曉黃鸝轉喬木明明長劍
倚太行拂拂愁煙蔽盤谷重岡漸遠勢愈高雲間青
出分秋毫龍蛇鱗甲雪霜洗壯士四顧空提刀陰晴
萬變恣吟寫三疊琴聲猿夜啼君不見古來功名輸
隱叟種桃採芝皆皓首不將機械攪靈源能使形骸
頗長夕明公何年歸草堂扁舟我即浮滄浪江魚有

味四時美一義醉卧蘆花傍男兒彼此送終畢自筭
此身無得失江東片月過河陽爲照兩處無何鄉

寄題新州涵輝閣呈太守章子平集賢

讀君涵輝記恍若登蓬萊天垂星斗數尋近地卷雲
山千里來冰壺倒景露華洗玉竇溶雪蟾光頽塵寰
何處路岐絕三十六洞森然開武夷真孫佩符印選
勝得此持金鑿文章欲會造化手藩屏暫屈嚴廊材
謝公寄意東山妓嚴生把釣桐廬臺功名談笑出千
古長與泰華青崔嵬其餘擬斷何足收百年易得成
寒灰爲君高吟豈知倦十分美酒誰相陪我欲乘風
一飛往病翅零落秋霜摧涵輝閣寧久遊重瞳法堯
垂冕旒側聞下詔十六相真孫第一還瀛洲

宣州雙溪閣夜宴呈太守余光祿

陵陽三峯壓千里百尺危樓勢相倚海波不動蛟龍
盤壘玉無塵雪霜洗溪光冷浥山光潤地接金陵古
名郡青猿嘯斷四五聲白鳥歸飛兩三陣四時之景
皆可觀六月來遊膚髮寒有時下瞰北山雨只道林
林銀竹竿賢哉光祿余太守昨引佳賓列樽酒朝飲
三百杯暮吟三百首不爲陰慘嚴刑誅長吐陽春活
殘朽御史曾書治績碑州人盡祝靈椿壽沉沉羅幕

更漏稀燈如撒星公醉歸然篋前引後鼓琴珠便交
錯行遲遲丈夫得意不爲樂借問百年能幾時

寄題洪州潘延之家園清逸樓

南昌城中潘令宅清逸樓高二千赤斜飛四角河漢
躔密排萬瓦驚翳碧樓中至樂無人知掃盡寰區利
名迹霜華吹月鴈橫空湖水浸天秋一色傍聲斷漁
歌起西山却在蘆花裏行客紛紛嗟白頭纓塵不解
滄浪洗愛君年少先拂衣古人歸去無今時上有明
明垂衣之堯舜下有錯落戴主之咎戾湟中不用一
箭取絲綰驛道通捷爲更看牧馬天山草澡心雪恥
幽燕兒朝廷大業昔未有志士獨往吾何譏陶彭澤
阮步兵回首晉道方飄零然桐欲彈悲思盈豈如潘
令逢昇平倚欄一醉絃索鳴紅綃燃密爛華星玉人
舞徹東方明

寄題德興余氏聚遠亭

晴空風卷浮雲落萬里秋毫望寥廓姍娥泣月中夜
來撲撲山川銀粉薄天垂斗柄掛簾鉤地接明河浸
欄角誰傾世界入冰壺滉滉仙春迷海嶽嗟子南望
未能往小宰塵勞真齟齬感君寄我群公篇覽記方
驚子先作詞源奔激吼波濤筆畫縱橫挫矛槩桴名

惜意宜徒然景物化為仁智學丈人教子博義方宴
息時來命樽酌何當勇起拏扁舟夢寐思陪衆賓樂

留題潛山山谷寺

山如連環不可解玉溜穿崖鯨尾擺中天化出清涼宮
汗漫瑤瑤翠光灑回頭無路通人間毛髮森森神魄
駭長碑突兀壓巨鼇字刻雄文入模楷乃知梁僧挈
刀尺來此幽棲聊脫機地祇掣鐐巖戶間縱有堆金
豈能買紫祖傳衣當第三至今異骨藏斯巖我朝重
賜七寶塔舍利威應符至誠誰曾磨崖記名姓習之
健筆深鐫鐫盤盤鱗想風雲未落慘淡松杉至

實不獨世所惜定有山鬼長局監願借雷公霹靂斧
堅珉斫斷載以函高僧邀我恐忘返虎豹堪驚日將
晚歸來拂榻坐虛堂軟煮黃菁薦香飯千年遺迹安
足誇幻妄非真生有涯奈何吾勢未能已夢想長在
金僊家

留題九江劉秀才西亭

西臨大江南瞰廬阜北見四湖

南出九江城西下五老崗倏然一徑二三里流水散漫
桃花香桃花迴環蔽深屋犬吠遊人人扣竹青衣借
問來何為正是劉郎春酒熟劉郎不厭客撫掌邀我
曹西亭有榻醉可卧下臨大江萬頃之洪濤長帆出

沒送孤鳥月飛不過哀猿啼更愛雙劍峯正落南窓
外天公好仁不用武太古光鋸未磨淬誰懷邪佞心
見之瞻應碑淮山在天末寒青亦相對微風時一來
松栢搖蒼珮頃刻神官驅黑龍凶凶與雲變明晦地
勢雖高直可驚酒行且止角休嘖劉郎顧我笑為言
何苦悲陰晴非汝職不醉將疇歸歸來手頻相過西
亭把酒共君歌

留題西林寺攬秀亭

李公擇書亭名攬秀亭在廬山

行瞻香爐峯未出二林口一區廣地如席平誰作新
亭名攬秀秀色可攬結正對香爐峯李白愛之不忍

去便欲此地巢雲松寂寥往事三百載澗泉谷草依
舊揚清風泉可掬草可擷清風洒面如冰雪閑來携
手四五人倒盡金壺頰不熱寸心何獨忘寵榮形骸
遺盡神超越寄語世上士勸君早歸來霹靂轟車膽
欲落忠憤雖死何為哉此時竟不悞此心徒自知嵐
光向晚紫翠滴杜鵑更在深林啼試拂橫琴奏流水
指下忽作商聲悲悲來乎可奈何推琴罷酒為君歌

青山集卷第一

青山集卷第二

當塗郭

祥正字功父

長句古詩三十首

鄭州太守王龍圖

贊

出家鼓彈琵琶即席有贈

偶騎匹馬遊仙關瑤池夜宴歡未開邀予未坐聞清
彈琵琶十槽聲正繁初疑飢鸞啄玉應天響忽似霹
靂數聲春氣還曲遍將終檀板急舞袖裂霞霞隨拍入
踏碎瓊筵驚步嬌汗透香綃露机濕解條龍舞整花
細宛轉仙容鴈行立主人使令持酒危香隨羅襪成塵
飛銅龍無聲夜無極煌煌燭焰回朝暉桃源花落長

卷二

瑞昌雙溪堂夜飲呈吳令

子正

星斗闌干月未吐但愛溪聲似山雨青燈照室並銀
花白酒傾來不知數子善評文我不如我亦談詩子
深許酒酣索我須論兵拔劍畫地軍陣成十萬狂胡指
掌取五方應敵旋風生文武道判惜已久聖賢相遇
猶難井相如謾作長門賦屈原虛著離騷經不知於
世竟何補可憐博得千年名韓信收身苦不早功成

伏劍真草草始終最愛嚴子陵坐視乾坤任傾側
嗟語險氣已傷况復賦詩聲調長卷紙連書不磨琢
子鋒太峻非我當撥置萬慮付江海收拾寸心歸老
莊天地得一馬喻馬請思前事皆伴狂

寄吳著作

憶與君別時君行朝北極潯陽江頭車馬光意氣翻
翻動秋色君還舊廬能寄書謂我楚辭傳上都是時
盜賊正紛擾日夜奔走承使符謝君後時聞已惡
交深豈必書問數誠明相照期無窮但惜遠別臨春
風春風來已老落盡桃花紅有時孤坐碧山裏彈指
倏忽成衰翁文章不直一杯酒功名付與千年松何
特逢君談豁我此愁恨攀雲不見麒麟蹤趨泥自笑
驚駭鈍兒女安否今何如親雖未成交莫踈願君富
貴情不改敢將瓦礫贈明珠

卷二

將至江夏先寄太守李學士公擇

二月發姑熟三月到潯陽聞君解纜纔五日驥尾難
追空斷腸十年前作潯陽吏老校相逢猶引避中丞
孤憤已沉泉時事愈新誰敢議欲吐哀音寫心曲濛
濛江聲搖地軸橫琴靜夜按金徽泛到商絃斷還續
憂能損氣須忘憂移船漸近黃鶴樓樓前芳草清煙

碧君今取過奇章侯試詢樂部誰工笛曹王舊曲何
人識水中龍應雲不飛月華正在江心白滿傾綠酒
濃如油為君吞却鸚鵡洲開帆快意出天外可惜礙
斷長江流子實則陽事

蔣公檜呈淮南運使金部類此檜布魯
侍郎漕淮日手植

淮南庭中有蒼檜仰視團圓翠為蓋直幹每容鸞鳳
棲盤根深歷鯨鼈背北風夜作兵陣聲恐取蛟龍斬
天外呼童出屋為我覓摩颯清陰月光疎問誰植之
前蔣公得地條經三十載不同種否上青天正似甘

卷三

棠有遺愛使華今復見公孫太平事業鍾一門祖朝
冠蓋漸壁土却嗟此檜春長存孤高宜忘栽培力秀
發兼承造化恩已看枝葉飽霜露終作棟柱扶乾坤
新詩編聯盡珠玉光大先烈聽笳填更憶丹青妙畫
手進入明堂逢至尊

蜀道篇送別府尹吳龍圖仲庶

長吟李白蜀道難蜀道之難難於上青天長蛇并猛
虎殺人吮血毒氣何腥膻錦城雖樂不可到側身西
望泣涕空漣漣其辭辛酸語勢險有如曲折頓挫萬
丈之洪泉世人不識寶玉璞每欲酬價齊刀鉞求之

往古疑未有惜哉不經孔子之手加饒鑄公今易節
帥蜀國為公重吟蜀道篇旌旗翻空度劍閣甲花照
雪參林顛雲龍連雄谷聲碎畫角慢引斜陽懸竹馬
爭迎舊令尹指公長騎皓素非往年蜀道何坦然和
氣拂拂回星躔長蛇深潛猛虎伏但愛雄飛呼雌響
亮調朱絃時乎樂哉公之往也九重深拱堯舜聖廟
堂論道丘軻賡撫綏斯民賴良守平平政化公能宣
束兵興學有源本何必早夜開華筵嘗聞家貴叙
釧只待看舞青春前此風不華久愈薄松楸往往成
凶年噫吁嘻今我無匹馬安得從公遊盡書政績來

卷二

四

中州獻之明堂付太史陛下請捐西顧憂

錢塘行送別簽判李太博敬甫

東南會府唯錢塘高門雙開南斗傍門前碧瓦十萬
戶曉色滿城煙雨香聖祖神宗造區宇應命最先吳
越王不經兵火二百載地饒沃衍民康強蓮花紅白
西湖芳南山翠影臨滄浪瓊樓寶塔照日月塵埃不
到炎天涼盡船羅幕盡盡高卷白玉美人遊冶郎年年
中秋海潮過萬頃銀山面削墮少年輕命爭弄潮手
掣紅旗連潮簸聞君此行承辟書伯樂能求汗血駒
四時風物同吟嘯十郡兵民歸卷舒公閑畜德聊自

養承平功業還吾儒況君登朝未四十慎勿出處窮
歡娛慎勿出處窮歡娛臨淵履冰佩瓊琚

天台行送施山人

平生樂山水聽客談天台盤石摩挲浸海月瀑布淙
射煙霞開山罽噴作千巖雨潭底晝夜轟風雷諸峯
攢叢護寶刹地與世隔無纖埃仙葩靈鳥四時有石
砒玉洞清風來施夫子欲長往高謝功名脫塵網况
有西來老佛師了悟無生任消長若許陶潛載酒過
便駕蒼虬逐真賞

蹕蹕行送裴山人

蹕蹕蹕蹕裴山人破帽麻衫被埃塵忽來訪我環峯
市醉倒不顧傍人嗔壯士不得志汗泥困脩鱗誰傾
滄海救枯澤矯首奮翼乘風雲回頭問驚雀爾輩胡
為群巢寄栢梁一朝火孤栖風雨更誰隣蹕蹕蹕蹕
裴山人行路無窮卑酸辛元通獻甫儻不遇况有特
達朱純臣蹕蹕勿蹕蹕豈有壯士長逕迤

道林寺送別崔提刑

用沈傳師韻
侍御地自外韻

湘江傾瀉明河源湘山來落如駿奔尋幽乘興莫辭
遠白雲中有黃金園佛師無心法愈密徒衆先後陳
卑尊甘泉噴洒仙籟爽此身已覺超籠樊高堂却見

山外水古鑑磨開蒼薛昏長城深鎖萬家富老木自
作千營屯兩洲半沒鯨鼓颺雙崖斗起天爲門滄溟

不識幾番變石泐猶有濤淙痕荻花愈太愈堪食深
鋤但惜傷松根登高覽物亦徒爾秋色况是當離樽
崔侯才思銳無敵蒼鷹得兔霜翎翻嗟余染翰愧復
止累句何足光行軒故人柄政坐東府請君獻策安黎元

遊石盆寺呈將殿院兼簡余光祿

石盆古寺蒼崖顛斷碑皴剝無人傳其文僅識隱巖
字御史飽學能推研乃是鄭董之別号洛師易即來
刺宣風流直欲繼謝守行春車馬時聯翩紅粉行行

杏

杏花笑旌旗燦燦雌霓懸松聲颺颺雜簫鼓碎圓
繚繞疑檀煙不知身世有軒冕且將樽酒投林泉暫
時樂事亦難遇高文大字精磨鑄可嗟榛棘一藏晦
清風零落三百年泊逢佳士始珍賞洗滌塵垢邀神
仙坐思往迹若夢寐明河千丈傾辭源啼鳥至今不
避客上下啾聒兩耳邊山僧構亭又高絕群峯葉葉
如青蓮崔嵬寶塔掛落日沆碣冰壺撐釣船余公胡
爲未嘗到美景若此寧弃捐請携吟筆窺造物更向
雲中調管絃

凌歊臺呈同遊李察推

公擇